



Maldivi Exclusive - SUN ISLAND 5* Resort

30. juli 2026. - 8. august 2026.

10 dana - 7 noći

“ Ovog ljeta osvajamo novi otok na **Maldivima**! Najnoviji Jungle program – Maldivi Exclusive!!! S ograničenim brojem polazaka **SAMO ovog ljeta!** Idemo u najveći i najpoznatiji resort otok sa 5 zvjezdica – Villa Park Sun Island!!

Resort Park Villa Sun Island nalazi se na otoku Nalaguraidhoo i najveći je resort otok na **Maldivima**! Otok je dug oko 1600 metara, širok oko 440 metara i možete ga istražiti pješke ili biciklom. Prava hedonistička priča! Otok je velik, tako da u svakom trenutku možete pronaći plažu gdje ćete biti potpuno sami!

Tirkizna laguna koja okružuje otok dom je najšarenijih ribica i koralala! Prava podvodna razglednica! Južna strana otoka okružena je plitkim grebenom koji je idealan za ronjenje i za sve koji žele otkriti magiju podvodnog svijeta, postoji škola ronjenja gdje možete unajmiti opremu za ronjenje.

Resort raspolaže s doslovno svim sadržajima za nezaboravan doživljaj – 5 restorana za najromantičnije večeri, 6 barova ili kafića, spa i fitness centar, centar za animaciju djece, centar za ronjenje, tree-top adventure park i što li još ne? Naši dani su ispunjeni uživanjem na najljepšoj plaži na cijelom svijetu, masažama, romantičnim večerama, koktelima i druženjem s našim timom! Imamo na raspolaganju različite vrste soba od poznatih kućica na vodi do privatnih vila na plaži!! Odaberite smještaj koji vam najviše odgovara i polijećemo!!! Vrijeme je za potpuno uživanje!!! Spremni? Idemo!!!!

Želite na Maldive putovati sa cijelom porodicom?

Super!! Ovo je Kids-friendly putovanje s odličnim cijenama za djecu!

Cijena za djecu od 0-2 godine iznosi 600 KM (bez obzira na vilu koju odaberete)

Cijena za djecu od 2-12 godina iznosi 3380 KM (bez obzira na vilu koju odaberete)

Napomena: Ukoliko vam ne odgovara neki od naših predloženih termina, pišite nam na kontak@jungletribe.ba i u najkraćem mogućem roku ćete dobiti ponudu.





Jungle Travel d.o.o.
Branilaca Sarajeva 14,
71000 Sarajevo

PIB: 4202134850007
MB:
Broj licence: 4202134850007
Tekući račun: UniCredit

Telefon: 033 552-552
E-mail: kontakt@jungletribe.ba
Sajt: www.jungletribe.ba

Plan i program

Dan 1: Sastanak grupe na aerodromu i let do Malea

Okupljanje na međunarodnom aerodromu u Sarajevu dva sata prije leta. Priče o egzotičnom krajevima i smješkiranje dok čekate na let. Idete na istok u susret Indijskom okeanu. Let iz Sarajeva za Istanbul u večernjim satima. Dolazak u Istanbul i zatim konekcija na let za Male.

Prevoz

Avionska karta sa svim taksama na relaciji Sarajevo - Istanbul - Male, u ekonomskoj klasi sa presjedanjem

Mesto

Sarajevo, Istanbul

Dan 2: Dolazak na Maldive i transfer do Villa Park Sun Island

Nakon slijetanja na aerodrom Male trebate se uputiti do šaltera Vila Park Sun Island Resorta gdje ćete dobiti upute za transfer do Mamigili. Ovisno o vremenu slijetanja u Male, vrijeme čekanja na lokalni let može biti od 2 do 4 sata (od Malea do Mamigilija ima ukupno 4 leta dnevno). Tokom čekanja možete uživati na jednom od najjedinstvenijih aerodroma na cijelom svijetu koji je otvoren sa svih strana, popiti kafu, sjesti na jednu od terasa sa najljepšim pogledom na Indijski okean i pustiti vrijeme da leti. Do Mamigilija putujemo domaćim/lokalnim letom koji traje oko 30 minuta, a zatim gliserom još 10 minuta do našeg ostrva - resorta **Villa Park Sun Island** gdje će nas dočekati piće dobrodošlice i smjestiti u savršeno dvorište predvorja do prijave u odabrani smještaj. Smještamo se i počinjemo istraživati ovaj raj!

Prevoz

Lokalni let sa aerodroma Malé za Mamigili
Transfer gliserom od aerodroma do smeštaja

Smeštaj

Villa Park Sun Island Resort (1 noć)

Mesto

Male, Nalaguraidhoo

Hrana

Puni pansion × 1

Dan 3-8: Uživanje u tropskom raju

Dani rezervisani za potpuno uživanje na ovom egzotičnom otoku! Šetamo po bijeloj pješčanoj plaži, čitamo knjigu, pijemo koktel i uživamo u tropskom raju! Potpuno se opuštamo i punimo baterije. Odmaralište koje ima bukvalno sve -- pa kada poželimo idemo na masažu u prelijepi spa centar, ili se vratimo u djetinjstvo u uživamo u vodenom parku, posjećujemo jedinstveni park na krošnjama drveća ili igramo bilijar, tenis ili odbojku! Resort također ima 6 barova ili kafića i 5 restorana za najromantičnije večere na cijelom svijetu! Ovi dani su posvećeni nama i uživanju!!

Smeštaj

Villa Park Sun Island Resort (6 noći)

Mesto

Nalaguraidhoo

Hrana

Puni pansion × 6

Dan 9: Napuštanje smještaja i let za Sarajevo

Nakon doručka, odjava iz naših soba. Imamo slobodnog vremena da uživamo na plaži i oprostimo se od ostrva! Popijemo još jedno piće i imamo transfer gliserom do aerodroma Mamigili. Lokalni let za Male. Let od Malea do Sarajeva, sa presjedanjem u Istanbulu.

Prevoz

Transfer gliserom od smještaja do aerodroma
Lokalni let iz Mimigilija za Male

Mesto

Nalaguraidhoo, Male

Dan 10: Dolazak u Sarajevo

Dolazak u Istanbul u jutarnjim satima po lokalnom vremenu. Konekcija na let i let za Sarajevo. Dolazak u Sarajevo u jutarnjim satima. Kraj putovanja.

Prevoz

Avionska karta sa svim taksama na relaciji Male - Istanbul - Sarajevo, u ekonomskoj klasi sa presjedanjem

Mesto

Istanbul, Sarajevo

Cene i uslovi



Jungle Travel d.o.o.
Branilaca Sarajeva 14,
71000 Sarajevo

PIB: 4202134850007
MB:
Broj licence: 4202134850007
Tekući račun: UniCredit

Telefon: 033 552-552
E-mail: kontakt@jungletribe.ba
Sajt: www.jungletribe.ba

Šta je uključeno

Regularna cena
5.090,00 BAM

Akcijska cijena

Akcijska cijena za **ljetne polaske** ili do popune mjesta.
3.690,00 BAM

Nije uključeno

- Međunarodno zdravstveno osiguranje (može se uzeti u agenciji)
- Individualne troškove nastale za vrijeme trajanja aranžmana
- Obavezna doplata za zeleni porez. Naknada koja se plaća pri doplati za aranžman u našoj kancelariji i iznosi 160,00 KM po osobi.
- Opciona doplata od 700 KM za ALL-INCLUSIVE koji obuhvata puni pansion + neograničena lokalna alkoholna i bezalkoholna pića, popusti u restoranima i spa centru, oprema za ronjenje i jedan izlet gratis!

Uslovi plaćanja: Cijene aranžmana objavljene na web stranici izražene su sa uračunatim popustom i vrijede za plaćanje gotovinom u poslovnicu ili uplatu na transakcijski račun agencije.

Prilikom prijavljivanja plaća se avans u iznosu od 1.400 KM, a ostatak sume plaća se u agenciji ili putem banke najkasnije 40 dana pred put.

Nudimo vam mogućnost plaćanja **NA RATE karticama UniCredit banke**. Mogućnost odabira plaćanja od 2 do 24 rate.

Za kartično plaćanje primjenjuju se regularne cijene aranžmana, bez mogućnosti ostvarivanja popusta za gotovinsko plaćanje i vrijedi za sva putovanja ukoliko putnik aranžman plaća u poslovnici karticom - jednokratno ili shopping karticom na rate.

Prijavlivanje: Preporučujemo ranije prijave jer je broj mesta ograničen. Prilikom prijave potrebno je dostaviti skeniranu prvu stranu pasoša, u suprotnom agencija ne snosi odgovornost od štampanja avio karata sa pogrešnim imenom. Prijava je validna jedino uz uplatu avansa. Dokumenta za vize potrebno je dostaviti najkasnije mesec dana pred put. Ukoliko putnici ne dostave dokumenta za vize u navedenom roku, dužni su da sami obezbede vize za putovanje. Ukoliko putnici sami pribavljaju vize, dužni su da kopiju vize dostave do 15 dana pred put.

Fakultativni izleti

Smeštaj



Jungle Travel d.o.o.
Branilaca Sarajeva 14,
71000 Sarajevo

PIB: 4202134850007
MB:
Broj licence: 4202134850007
Tekući račun: UniCredit

Telefon: 033 552-552
E-mail: kontakt@jungletribe.ba
Sajt: www.jungletribe.ba

Villa Park Sun Island Resort *****

Ovo je primer smeštaja koji možete da očekujete. Stvaran smeštaj može biti drugačiji, ali sličan u onome šta pruža.

Villa Park Sun Island je resort s 5* (po lokalnoj kategorizaciji) na Maldivima -- dom najfascinantnijih i najegzotičnijih plaža na svijetu! Smještamo se na najvećem resort-otoku ove rajskoje države! Resort koji na raspolaganju ima bukvalno sve -- vodeni park, fitness centar, spa, avanturistički park na drveću, bilijar, tenis, zabavni park za djecu, vodeni sportovi, radionice o vrtlarstvu i što sve ne! Villa Park također ima 6 različitih restorana koji služe hranu iz cijelog svijeta (japanska, italijanska, američka...), kao i 6 različitih barova (koktel bar, vinski bar, garden bar itd.)

A sve što vam je preostalo je da izaberete vašu sobu iz snova:

Sun Villa

Vila koja se nalazi u tropskom vrtu, sa kadom i tušem na otvorenom, ove vile raspolažu sa jednom spavaćom sobom i savršene su za parove i porodice. Okružene su slikovitim zelenilom i nalaze se blizu restorana u Villa Parku. Sun Villa's na raspolaganju ima sve što vam je potrebno za odmor iz snova! Sve vile raspolažu sa fenom, sefom, peškirim, minibarom, i klima uređajem.

Veličina vile: 46m²

Beach Villa

Vila na samoj plaži, koja je potpuno opremljena za sve što vam je potrebno za nezaboravno putovanje na Maldive. Vila raspolaže sa jednom spavaćom sobom sa jednim duplim krevetom i pomoćnim krevetom! Vile raspolažu sa privatnim ležaljka i terasom koje su na samo nekoliko metara od tirkiznog Indijskog okeana! Sve vile raspolažu sa fenom, sefom, peškirim, minibarom, i klima uređajem.

Veličina vile: 35m²

Water Villa

Definitivno smještaj koji zamišljamo kada pomislimo na resort na Maldivima. Smještamo se u poznatim kućicama na vodi. Sve vile raspolažu sa velikom terasom sa dvije ležaljke, sopstvenim stepenicama koje vode do prekrasnog indijskog okeana! Sve vile raspolažu sa fenom, sefom, peškirim, minibarom, i klima uređajem.

Veličina vile: 73m²

Sajt

<https://villaresorts.com/villa-park/>

Adresa

Nalaguraidhoo
Maldives

Prevoz

Avion

Putnički avion (linijski putnički avion ili komercijalni transportni avion) veliki je avion prvenstveno namijenjen komercijalnom prevozu putnika i tereta.

Lokalni transfer

Kombi prevoz je prevozno sredstvo za manje grupe putnika, najčešće do 15 ljudi.

Brod

Brod je prevozno sredstvo koje se koristi na rijekama i morima.

Mesta

Sarajevo

Sarajevo je glavni i najveći grad Bosne i Hercegovine. Nalazi se na rijeci Miljacki, desnom pritoku Bosne, u istočnom dijelu sarajevsko-zeničke kotline. Sarajevo je najveći grad u Bosni i Hercegovini i istaknuti kulturni centar u Jugoistočnoj Europi. Grad je poznat po svojoj tradicionalnoj kulturnoj i vjernoj raznolikosti, sa pripadnicima islama, pravoslavlja, judaizma i katolicizma. Zbog svoje duge i bogate povijesti i pripadnosti, vjerskih i kulturnih raznolikosti, Sarajevo se ponekad naziva "Jeruzalem Europe".

Istanbul

Istanbul kroz historiju također poznat i kao Carigrad, Konstantinopolj ili Bizantium, najveći je grad u Turskoj, privredni, kulturni i historijski centar i jedan od najvažnijih gradova ove transkontinentalne države. Sa otprilike 12,56 miliona inostranih turista u 2015. godini, pet godina nakon što je proglašen za Evropsku prestonicu kulture, Istanbul predstavlja peti naposjećeniji grad na svijetu. Najveće turističke atrakcija grada su historijski centar, djelimično uvršten na UNESCOov spisak svjetske baštine, kulturni i zabavni centar koji se proteže uz gradsku prirodnu luku, Zlatni rog, u oblasti Beyoğlu i dr. Istanbul se smatra globalnim gradom kao i jedna od najbrže rastućih ekonomskih metropola na svijetu. Smješten na strateški važnom mjestu, nekadašnjem Putu svile.

Male



Jungle Travel d.o.o.
Branilaca Sarajeva 14,
71000 Sarajevo

PIB: 4202134850007
MB:
Broj licence: 4202134850007
Tekući račun: UniCredit

Telefon: 033 552-552
E-mail: kontakt@jungletribe.ba
Sajt: www.jungletribe.ba

Malé je glavni grad otočne republike Maldivi u Indijskom okeanu. Grad pokriva cijelu površinu otoka Malé smještenog u atolu Kaafu, iako se unatoč tom geografskom položaju u administrativnom smislu ne smatra dijelom atola. Malé je i glavno središte poslovnih i trgovačkih aktivnosti na Maldivima, a u njemu se nalazi i trgovačka morska luka. Velik broj vladinih zgrada i agencija nalazi se na obali. Grad je podijeljen na četiri divizije koje nose nazive Henveiru, Galolhu, Maafannu i Machangolhi.

Nalaguraidhoo

Otok Nalaguraido, koje se naziva i otok Sunca, je maldivski otok poznat po širokoj tirkiznoj laguni.

Korisne informacije

Maldivi

OPŠTE INFORMACIJE:

Maldivi, službeno Republika Maldivi, su ostrvska država u **Indijskom okeanu**, jugozapadno od Indijskog poluostrva. Sastoji se od oko **1.200 koralnih ostrva** grupisanih u 26 atola, među kojima je oko 200 naseljenih, a ostalih 80 se koristi za potrebe turizma. U ovoj državi nema rijeka i jezera, već je sa svih strana okružena Indijskim okeanom.

Prepoznatljivi su u svijetu po dugim, bijelim pješćanim plažama, nevjerovatnom plavetnilu vode i predstavljaju destinaciju iz snova.

Na našim turama steći ćete jedinstveno iskustvo tokom boravka na lokalnim ostrvima i doživjeti Maldive na način kako ga njegovi stanovnici doživljavaju. Privreda se temelji na turizmu i ribolovu, kao i izvozu kokosa, banana i ostalog tropskog voća. Glavni i najveći grad je **Male**, glavno trgovačko i poslovno središte. Sam grad nalazi se na ostrvu površine 6 km² i u njemu živi 1/3 stanovništva Maldiva. Glavni internacionalni aerodrom je **Velana**, koji se nalazi na posebnom ostrvu odmah pored glavnog grada odakle dolaze svi letovi iz Evrope, pa se odatle dalje transferišu do nekog od lokalnih aerodroma i hotela.

Površina: 298 km² **Broj stanovnika:** oko 540.000 **Državno uređenje:** Republika od 1965. godine, kada je stekla nezavisnost od Ujedinjenog Kraljevstva **Glavni grad:** Male, oko 143.000 stanovnika

USLOVI ULASKA NA MALDIVE

Državljeni Bosne i Hercegovine mogu putovati na Maldive bez obavezne vakcinacije. Također, nije potreban ni negativan PCR test.

VIZA

Državljeni Bosne i Hercegovine koji turistički putuju na Maldive, besplatnu vizu važeću za period do 30 dana dobijaju na maldivskom aerodromu. Potrebna je sljedeća dokumentacija: važeća putna isprava (pasoš BiH), povratna avio karta, dokaz o posjedovanju dovoljno finansijskih sredstava ili potvrda o uplaćenom turističkom aranžmanu. Rok važenja pasoša radi turističkog putovanja mora biti najmanje 6 mjeseci od datuma ulaska na Maldive.

VAKCINACIJA

Za putovanje na Maldive nije potrebno posjedovati polisu zdravstvenog osiguranja, niti dokaz o vakcinaciji, izuzev ako dolazite iz oblasti zahvaćene žutom groznicom (pojedine oblasti centralne Afrike ili južne Amerike).

KLIMA

Na Maldivima je zastupljena tropska klima, koja se odlikuje visokim temperaturama vode i vazduha tokom čitave godine. Upravo ta činjenica nam govori da je ova ostrvska država idealna za posjetu tokom čitave godine. Prosječne temperature vazduha kreću se između **29°-32°C**. Voda Indijskog okeana u oblasti Maldiva je podjednako topla tokom godine, sa prosječnim vrijednostima između **28°-30°C**.

Ono što utiče na klimu Maldiva su monsuni, vjetrovi koji pušu u Indijskom okeanu. Od sredine maja do početka novembra je zimski monsunski period (jugozapadni monsun) u kojem ima povremeno kiše i vjetra, dok je od januara do marta ljetni monsun koji je topao i suv (sjeveroistočni). Decembar i april su monsunski prelazni periodi.

Cijene boravka su najviše u sezoni (decembar-april), naročito u periodu božićnih i novogodišnjih praznika, kada je na Maldivima suho i toplo vrijeme. Period od maja do novembra je također topao, ali sa višim stepenom vlažnosti vazduha i većom mogućnošću kiša. Tada na Maldivima ima manje turista, te je lakše pronaći odgovarajući smještaj, koji je pritom povoljniji nego u sezoni.

NAJBOLJE VRIJEME ZA POSJETU

Suha sezona na Maldivima

JANUAR / FEBRUAR / MART

S obzirom da se nalaze u oblasti tropske klime, na Maldive možete ići tokom čitave godine. Ipak ono što na klimu utiče su monsuni. Od januara do marta pušu ljetni monsuni sa sjeveroistoka koji donose toplo i suho vrijeme. Tako da u tom periodu gotovo da nema padavina.

Januar je najhladniji mjesec u godini sa prosječnom dnevnom temperaturom od **27°C**, dok je temperatura vode visoka tokom čitave godine i iznosi od **28°-30°C**. Cijene hotela su najviše tokom januara jer tada kreće sezona odmora i novogodišnjih praznika, a opšte je poznato da su Maldivi jedna od omiljenih destinacija za doček Nove godine.

S druge strane, februar je najsunčaniji mjesec u godini, sa insolacijom od 10 sati dnevno zato je potrebno ponijeti kreme za sunčanje sa većim zaštitnim faktorom. Cijene smještaja su standardno visoke s obzirom da je vrhunac ljetne sezone na Maldivima.

Mjesec mart je najtopliji mjesec u godini sa prosječnom dnevnom temperaturom od **29°C**, dok se maksimalne dnevne temperature kreću do **31°C**. Male su šanse za kišu, kao i u prva dva mjeseca u godini, tako da je mart idealan za posjetu Maldiva. Popunjenost smještajnih objekata i cijene su također velike, što je u skladu sa jekom sezone u ovom dijelu svijeta.

Prelazni period - APRIL

Ukoliko imate Maldive u planu u aprilu, ne čekajte ni časa budući da je upravo april posljednji prelazni mjesec sušne u kišnu sezonu. Ujedno april je pravi izbor jer su tada i temperature vode najviše, do čak **30°C**, što je idealno za cjelodnevno plivanje i uživanje u lagunama. Cijene smještaja u aprilu su najniže u ljetnoj sezoni, a kada to iskombinujete sa idealnim vremenskim uslovima, april je svakako odlično vrijeme za putovanje.



Jungle Travel d.o.o.
Branilaca Sarajeva 14,
71000 Sarajevo

PIB: 4202134850007
MB:
Broj licence: 4202134850007
Tekući račun: UniCredit

Telefon: 033 552-552
E-mail: kontakt@jungletribe.ba
Sajt: www.jungletribe.ba

Vlažna sezona na Maldivima

MAJ / JUN / JUL / AUGUST / SEPTEMBAR / OKTOBAR / NOVEMBAR

Od sredine maja do kraja novembra je zimski monsuni period kada se javljaju jugozapadni monsun. Oni pušu sa mora na kopno donoseći Maldivima povremene padavine. Kao što je uobičajeno u tropskim područjima, kiše se uglavnom javljaju u vidu kratkih i intenzivnih pljuskova ili grmljavine. Ukupna godišnja količina padavina je nešto obilnija na južnim atolima, gdje se kreće oko 2.300 mm godišnje, a manje na sjeveru, gdje se kreće oko 1.800 mm godišnje. Razlika je uglavnom zbog činjenice da je na centralnim i sjevernim atolima relativno sušna sezona od januara do sredine aprila, koja je izraženija na najsjevernijim atolima.

Za maj je karakteristična velika vlažnost vazduha, oblačnost i poneki kratkotrajni pljusak, ali temperature vode i vazduha su i dalje visoke. Ako vam ne smeta topla kiša, maj može biti odlično vrijeme za povoljan odlazak na Maldive budući da su cijene smještaja u ovom periodu najniže u cijeloj godini te aranžmane možete naći i po duplo nižim cijenama.

Jun, jul i august su veoma sličnih vremenskih uslova i svi mjeseci također spadaju u nisku sezonu. Tokom ovih mjeseci možete očekivati dosta oblačnosti, kao i jutarnju i večernju kišu sa kratkotrajnim pljuskovima. Ipak, nije sve tako sivo jer upravo padavine pomažu da se razbistri velika vlaga, dok temperature i dalje ostaju prilično visoke, oko **29°C**. I dalje možete uživati u plivanju u okeanu ili bazenu i kada pada kiša, a vaše odmaralište će sigurno imati mnogo aktivnosti po vlažnom vremenu koje će vam pomoći da se zabavite. Cijene hotelskog smještaja u junu su, kao i u maju, najniže u toku godine, dok od 15. jula kreće blago povećanje cijena uslijed sezone godišnjih odmora i hoteli se polako pune. Međutim i dalje su cijene u julu i augustu niže nego u ljetnoj sezoni. Zbog velikog broja godišnjih odmora tokom jula i augusta, avio karte za Maldive se unaprijed kupuju, a hoteli su većinom bukirani.

Septembar je popularan zbog velikog broja parova koji ovdje provode svoj medeni mjesec. Ovo je mjesec sa najviše padavina u toku godine, ali nemojte zaboraviti da su to uglavnom kratkotrajni pljuskovi i da Maldive čini arhipelag od 1.200 ostrva tako da ne mora da znači da će padati kiša baš na vašem ostrvu. Najstabilnije vrijeme u septembru je na sjevernim atolima. Cijene smještaja su ekonomičnije nego u prethodna dva mjeseca, budući da je sezona ljetnih godišnjih odmora završena, te mnogobrojni hoteli daju popuste kako bi privukli turiste i popunili svoje kapacitete.

Oktober je promjenljiv mjesec, u kome se u jednom danu više puta smjenjuju kratkotrajne kiše i sunce, ali ima manje oblačnosti u odnosu na septembar. Temperature su visoke, more toplo, a zabilježeno je prosječno 8 sunčanih sati dnevno. Ako posjetite Maldive u ovo vrijeme, možete očekivati također niže cijene nego u sezoni.

Novembar je posljednji mjesec vlažne kišne sezone u kome je nešto niža vlažnost vazduha i manja oblačnost, ali je vrijeme i dalje promjenljivo. Novembar je također odlično vrijeme za pronalaženje povoljnih ponuda za boravak na Maldivima prije nego što stignu božićni praznici i gužve. Prvog novembra je presijek cijena pa je noćenje u hotelu u novembru svakako skuplje nego u oktobru, ali znatno povoljnije od vrhunca sezone u januaru, februaru i martu. Ukoliko imate odmor u novembru, iskoristite ga za ležanje na finom bijelom pijesku i kupanje u tirkiznim lagunama Indijskog okeana umjesto što stojite na sivoj novembarskoj kiši u Evropi.

Prelazni period — DECEMBAR

Decembar je mjesec koji predstavlja prelazni period sa kišne na suhu ljetnu sezonu. Ipak i dalje je moguće po neki osvježavajući ljetni pljusak, koji će brzo proći i nakon toga možete uživati jer je more savršeno toplo, večeri prijatne, a vlažnost vazduha manja. Cijene hotelskog smještaja su promjenljive u decembru i povećavaju se od 20. decembra kada kreću božićni praznici i doček Nove godine i tada su cijene najviše u toku cijele godine.

NOVAC

Zvanična valuta na Maldivima je **maldivska rufija** koja je podijeljena na 100 laari. Šifra digitalne valute je **MVR**, lokalna oznaka **Rf**. Novčanice koje je izdala monetarna uprava Maldiva (MMA) sastoje se od apoena od 1, 5, 10, 25, 50 laari, 1 Rf i 2 Rf. Plaćanje je moguće i u **američkim dolarima**. Ne preporučuje se nošenje novčanica štampanih prije 2006. godine. Također, u većini hotela, restorana i prodavnica možete plaćati platnim karticama **American Express, Visa International, Master Card, Diners Club i EuroCard**

RELIGIJA

Službena religija je **islam**, a jezik većine stanovništva je divehi, indoevropski jezik srodan singalskom, glavnom jeziku Šri Lanke. Nudizam je zakonom zabranjen, uključujući i boravak na plažama odmarališta, kupanje ili ronjenje bez kupaćih kostima u blizini brodova sa putnicima. U većini restorana nije dozvoljen boravak u kupaćim kostimima, kako bi se izbjegle neprijatnosti za druge prisutne goste.

To se, prije svega, odnosi na lokalna ostrva, dok je u rizortovima situacija drugačija i dozvoljen je boravak i kupanje u kupaćim kostimima, kao i konzumiranje alkohola, koji je na lokalnim ostrvima također zabranjen što je u skladu sa njihovom religijom.

JEZIK

Zvanični jezik je **divehi**. Engleski jezik je u širokoj primjeni kao službeni jezik. U turističkim područjima govore se i drugi jezici.

BEZBJEDNOST

Maldivi mogu biti izloženi opasnosti od cunamija. U ovakvim situacijama, po izdavanju upozorenja o opasnosti od strane Vlade Maldiva, potrebno je pratiti uputstva koja emituju lokalna sredstva javnog informisanja i ponašati se u skladu sa njima.

Važne napomene

Napomena: Ukoliko vam ne odgovara neki od naših predloženih termina, pišite nam na kontakt@jungletribe.ba i u najkraćem mogućem roku ćete dobiti ponudu. Za letove iz drugih gradova pišite nam na mail.

Opšte napomene:

- Organizator putovanja je JUNGLE TRAVEL d.o.o Sarajevo sa licencom 07-02-22-9594/19.
- Prilikom prijave potrebno je dostaviti kopiju pasoša/podatke pasoša sa kojim će putnik putovati na samo putovanje. Obavezno je da putnik provjeri trajanje i ispravnost putnog dokumenta, kao i broj slobodnih stranica potrebnih za putovanje.
- Svi pasoši moraju imati rok važenja minimum 180 dana (6 mjeseci) od dana povratka u zemlju.
- Organizator putovanja zadržava pravo promjena pojedinih sadržaja u programu uslijed vanrednih okolnosti i stvari koje agencija ne može predvidjeti, u vrijeme zaključenja ugovora.
- Organizator putovanja nije ovlašten i ne cijeni valjanost putnih i drugih isprava.



Jungle Travel d.o.o.
Branilaca Sarajeva 14,
71000 Sarajevo

PIB: 4202134850007
MB:
Broj licence: 4202134850007
Tekući račun: UniCredit

Telefon: 033 552-552
E-mail: kontakt@jungletribe.ba
Sajt: www.jungletribe.ba

- Za sve informacije date usmenim putem agencija ne snosi odgovornost.
- Potpisnik Ugovora o putovanju ili predstavnik grupe putnika obavezan je da sve putnike upozna sa ugovorenim programom putovanja, uslovima plaćanja i viziranja i OPĆIM USLOVIMA PUTOVANJA JUNGLE TRAVEL-a.
- Putnici su dužni da dva dana pred put provjere tačno vrijeme i mjesto polaska grupe.
- Putnik je dužan da se sam upozna sa pravilima ponašanja zemlje u koju putuje i da poštuje važeće zakonske carinske propise.
- U prevoznim sredstvima je najstrožije zabranjeno pušenje, konzumiranje alkohola i opojnih sredstava.
- Putnici su dužni da, u autobusu i drugim prevoznim sredstvima kojima se vrši transfer, ostanu na svojim mjestima, i ne smiju ih napuštati na mjestima koja nisu predviđena za pauze (granice, check point stanice, naplatne rampe itd). U slučaju da putnik napusti vozilo bez prethodnog dogovora sa predstavnikom agencije, sam snosi sve eventualne troškove i posljedice.
- Putnik koji svojim neadekvatnim ponašanjem uznemirava druge putnike ili ometa vozače i pratioca u poslu, bit će odmah isključen sa putovanja i sva odgovornost prelazi na njega bez prava na žalbu i povrat novca.
- Putnik je dužan da poštuje satnicu određenu od strane predstavnika agencije na putovanju, u suprotnom predstavnik agencije ima pravo da putnika isključi sa putovanja.
- U turističkim autobusima nije moguća upotreba toaleta; u skladu sa planom i programom puta pauze se prave na 3-4 sata (u zavisnosti od lokacije i opremljenosti benzinske stanice) koje putnici mogu iskoristiti za upotrebu toaleta.
- Agencija određuje raspored sjedenja, mjesto polaska, mjesta za pauzu i dužinu iste; uplatom prevoza, putnik prihvata sve gore navedeno, bez prava na prigovor i žalbu.
- Aranžman je rađen na bazi od minimum 10 putnika za daleka putovanja i 50 putnika za evropska putovanja.
- U slučaju nedovoljnog broja putnika za realizaciju aranžmana ili drugih objektivnih okolnosti, organizator putovanja obavještava putnike o otkazu aranžmana najkasnije 10 dana prije datuma polaska za daleka putovanja i 5 dana prije datuma polaska za evropska putovanja.
- Kod aranžmana koji uključuju prevoz avionom, nakon kupovine aviokarata nemoguće je refundiranje istih i u tom slučaju važe uslovi avio kompanija.
- Kod aranžmana koji uključuju prevoz low cost avio kompanija, u slučaju odlaganja leta, otkaza ili gubitka konekcije putnici su dužni da sami plate novonastale troškove i agencija ne može da utiče na okolnosti koje su van njenog dometa.
- Cijene low cost aranžmana podložne su promjenama i po uplati avansa se provjeravaju tarife i putniku se potvrđuje cijena aranžmana.
- Agencija ne snosi odgovornost usljed promjena aviokonekcija od strane aviokompanije.
- Satnice letova navedene u planu i programu ili dobijene od strane agencije podložne su promjeni i isključivo zavise od aviokompanije.
- Agencija zadržava pravo odabira prevoznog sredstva za transfere i vrši ih do smještaja ukoliko je to fizički moguće.
- Za sve ponuđene ili dostupne opcione doplata u vezi sa planom i programom puta ili smještajem, potrebno je izjasniti se prilikom prijave za putovanje.
- Ukoliko neki putnik sam odluči da promijeni dio plana i programa puta, agencija nema odgovornost da tom putniku obezbijedi transfer/raniji ili kasniji check in ili check out u smještaj/drugačija noćenja u smještajima, od onoga što je predviđeno planom i programom puta.
- Maloljetni putnici prilikom putovanja moraju imati ovjerenu saglasnost roditelja.
- Zbog poštovanja satnica predviđenih programom putovanja, kao i poštovanja vremena ostalih putnika iz grupe, ne postoji mogućnost zadržavanja na granici koja predstavlja izlazak iz Evropske Unije, radi ovjere računa i povrata poreza iz Evropske Unije (TAX FREE)
- Naša preporuka je da povedete računa na Vašem putovanju o ličnim dokumentima i novcu.
- Za ovaj aranžman primjenjuju se OPŠTI USLOVI PUTOVANJA uskladeni sa UTABIH standardom.

Napomene u vezi sa smještajem:

- Organizator putovanja, JUNGLE TRAVEL, zadržava pravo rasporeda po sobama, u skladu sa strukturom soba smještajnog objekta; ukoliko postoji mogućnost, agencija se trudi da izađe u susret željama putnika (molimo Vas za razumijevanje, budući da je ovo putovanje zamišljeno kao dobra zabava i avantura).
- U smještajne objekte se ulazi prvog dana boravka u skladu sa pravilima tog smještajnog objekta. Najčešće je check-in u popodnevni satima (14h ili 15h), a check-out je posljednjeg dana boravka najčešće do 10h ili 11h.
- Opisi smještajnih objekata su informativnog karaktera.
- Neki od dopunskih sadržaja smještajnih objekata su dostupni uz doplatu. Postoji mogućnost odstupanja i promjena oko dostupnosti nekih sadržaja, jer isključivo zavise od smještajnih objekata (npr. sef, parking, mini-bar, TV, klima uređaj...)
- Putnik je dužan da poštuje pravila smještajnog objekta i sam snosi odgovornost usljed sankcionisanja od strane osoblja smještajnog objekta.
- U nekim smještajima Azije, Afrike i Latinske Amerike nema vruće vode.
- Smještajni kapaciteti vrše smještaj putnika i određuju raspored i tip soba prema svojoj raspoloživosti u datom trenutku. Agencija nije u mogućnosti da klijentima potvrdi da li će kreveti biti twin (razdvojeni) ili double (veliki francuski ležaj), kao ni spratnost u samom smještaju, osim ukoliko to nije posebno naznačeno Ugovorom. Klijent je uplatom aranžmana saglasan sa tom činjenicom i uslovima smještaja bez prava na žalbu.
- Putnici koji putuju sami u nekim programima imaju mogućnost da uz doplatu budu sami u jednokrevetnoj sobi. Ukoliko putnik želi da se spoji sa nekim drugim putnikom iz grupe i ne želi da plaća doplatu, prihvata da se spoji sa bilo kojom osobom iz grupe, bez obzira na godine i pol saputnika. U tim situacijama, agencija apsolutno ne odgovara za bilo kakve eventualne neprijatnosti ili neslaganja koje putnici mogu da imaju na putu.

Napomene u vezi sa fakultativnim izletima:

- Fakultativni izleti nisu obavezni dio putovanja.
- Termini i cijene fakultativnih izleta su promjenljivi i zavise od slobodnih termina po lokalitetima, broja prijavljenih putnika i objektivnih okolnosti.
- Fakultativni izleti se realizuju od strane lokalnih agencija i Jungle Travel nije u mogućnosti da utiče na stvari Van dometa agencije vezane za samu realizaciju izleta.
- Fakultativne izlete vode lokalni vodiči na samim lokalitetima na engleskom jeziku. Uplatom izleta putnik prihvata sve uslove lokalne agencije bez prava na žalbu.
- Agencija ne može uticati na dužinu trajanja putovanja do lokaliteta, vremena polaska, povratka ili obilazaka kao ni stručnost lokalnih vodiča.
- Prilikom uplate fakultativnog izleta, putnik prihvata uslove lokalne agencije, organizatora fakultativnog izleta, i dužan je da o uslovima obavijesti saputnike za koje uplaćuje izlet. Bilo kakve naknadne izmjene, promjene i odustajanja od izleta nakon uplate, nisu moguća, niti je moguće u bilo kojim okolnostima refundirati uplaćeni novac.
- Molimo sve putnike da se prije uplate fakultativnog izleta upoznaju sa predviđenim itinerarom i uslovima fakultativnog izleta.

Napomene u vezi sa vizama:

- Putnici su u obavezi da se upoznaju sa viznim režimom države u koju putuju.
- Pojedine ambasade zahtjevaju lično prisustvo putnika prilikom viziranja i putnici su dužni da pravila ambasade ispoštuju.
- Putnici su dužni da dokumenta za viziranje dostave najkasnije mjesec dana prije putovanja, a ukoliko ih ne dostave u navedenom roku, dužni su da sami obezbijede vize za putovanje.



Jungle Travel d.o.o.

Branilaca Sarajeva 14,
71000 Sarajevo

PIB: 4202134850007

MB:

Broj licence: 4202134850007

Tekući račun: UniCredit

Telefon: 033 552-552

E-mail: kontakt@jungletribe.ba

Sajt: www.jungletribe.ba

-
- Putnici koji ne posjeduju nove biometrijske pasoše BiH dužni su da se sami upoznaju sa viznim režimom države u koju putuju i da sami obezbijede vize za putovanje.
 - Agencija ne garantuje dobijanje vize i nije ovlaštena da utvrđuje validnost dokumenata.
 - U slučaju nedobijanja vize agencija ne snosi odgovornost.